



Službeni glasnik

Grada Tuzle

Godina LXIII

Subota, 1. augusta

Broj 10

I AKTI GRADONAČELNIKA GRADA TUZLE

1

Na osnovu člana 41. Statuta Grada Tuzle ("Službeni glasnik Grada Tuzle", broj 6/21 i 4/25), člana 8. Odluke o izvršavanju Budžeta Grada Tuzle za 2026. godinu ("Službeni glasnik Grada Tuzle", broj 16/25 i 6/26), a u vezi sa Zahtjevom JU Centar za socijalni rad Tuzla, broj: 06-11-01-45-1471-3/26 od 22.07.2026. godine i Ugovorom o saradnji, korištenju i načinu utroška dodijeljenih budžetskih sredstava zaključenim između JU Centar za socijalni rad Tuzla i Federalnim ministarstvom rada i socijalne politike, broj: 01-45-1471-3/26 od 04.06.2026. godine, Gradonačelnik Grada Tuzle, donosi

ODLUKU

usmjeravanju neplaniranih vlastitih sredstava u Budžet Grada Tuzle za 2026. godinu

Član 1.

Odobrava se usmjeravanje neplaniranih vlastitih sredstava u Budžet Grada Tuzle za 2026. godinu, kod budžetskog korisnika JU Centar za socijalni rad Tuzla, u iznosu od **20.550,49 KM**, na ime zapošljavanja stručnog lica.

Član 2.

Sredstva iz člana 1. Ove Odluke usmjeravaju se u Budžet Grada Tuzle za 2026. godinu

u dijelu plana prihoda po osnovu vlastitih prihoda, tekućih transfera i donacija, kod budžetskog korisnika JU Centar za socijalni rad Tuzla, broj: 0204001 i to:

- na poziciju „V/04001/732112 – Primljeni kapitalni transferi od Federacije“ u iznosu od 20.550,49 KM.

Za iznos sredstava iz člana 1. ove Odluke izvršit će se povećanje plana rashoda u dijelu rasporeda prihoda po osnovu vlastitih prihoda, tekućih transfera i donacija, kod budžetskog korisnika JU Centar za socijalni rad Tuzla, broj: 0204001 i to:

- na poziciji „V/04001/611100 – Bruto plate“ u iznosu od 17.130,49 KM,
- na poziciji „V/04001/612000 – Doprinosi poslodavca i ostali doprinosi“ u iznosu od 950,00 KM,
- na poziciji „V/04001/611200 – Naknade troškova zaposlenih“ u iznosu od 2.470,00 KM.

Član 3.

Za realizaciju ove Odluke zadužuje se Služba za budžet i finansije i JU Centar za socijalni rad Tuzla. Realizacija navedenih sredstava vršit će se u skladu Ugovorom broj: 01-45-1471-3/26 od 04.06.2026. godine zaključenim sa Federalnim ministarstvom rada i socijalne politike i navedenom dinamikom izvršenja.

Član 4.

Odluka stupa na snagu sljedećeg dana od dana objavljivanja u „Službenom glasniku Grada Tuzle“.

GRAD TUZLA GRADONAČELNIK
Gradonačelnik

Broj: 02-11-A- 11447 - 2026 Zijad Lugavić
29. jula 2026. godine

2

Na osnovu člana 59. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 05/18, 11/19, 99/19, 25a/22, 7/25 i 6/26), članom 41. Statuta Grada Tuzle („Službeni glasnik Grada Tuzle“, broj 6/21 i 4/25) i člana 14. Odluke o izvršavanju Budžeta Grada Tuzle za 2026. godinu („Službeni glasnik Grada Tuzle“, broj 16/25 i 6/26), Gradonačelnik Grada Tuzle, donosi

ODLUKU

o prestruktuiranju rashoda Budžeta Grada Tuzle za period 01.01.-31.12.2026. godine

Član 1.

U dijelu “II POSEBAN DIO” u organizacionoj jedinici

STRUČNA SLUŽBA KABINETA
GRADONAČELNIKA
DONATORSKA SREDSTVA

- Ekonomski kod „611100– Bruto plaće“, u koloni 11. iznos od 162.307,23 KM zamjenjuje se iznosom od 137.969,78 KM.
- Ekonomski kod „613400– Nabavka materijala“, u koloni 11. iznos od 37.229,90 KM zamjenjuje se iznosom od 32.229,90 KM.
- Ekonomski kod „613727-7– Izdaci za tekuće održavanje urbanog mobilijara“, u koloni 11. iznos od 3.420,00 KM zamjenjuje se iznosom od 32.757,45 KM.

Član 2.

Zadužuje se Služba za budžet i finansije da usaglasi Budžet Grada Tuzle za 2026. godinu u skladu sa članom 1. ove Odluke.

Član 3.

Ova Odluka stupa na snagu danom objavljivanja u „Službenom glasniku Grada Tuzle“, a primjenjivat će se za fiskalnu 2026. godinu.

GRAD TUZLA GRADONAČELNIK
Gradonačelnik

Broj: 02/11-A – 11286/2026 Zijad Lugavić
24. jula 2026. godine

3

Na osnovu člana 62. Zakona o organizaciji organa uprave u Federaciji Bosne i Hercegovine (“Službene novine Federacije BiH” broj 35/05), člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09), člana 41. Statuta Grada Tuzle („Službeni glasnik Grada Tuzla“, broj: 6/21 i 4/25) i člana 14. stav (6) Odluke o uslovima, kriterijima i postupku sufinansiranja mjera poboljšanja energijske efikasnosti i smanjenja aerozagađenja na području grada Tuzle („Službeni glasnik Grada Tuzle“, broj 6/26), Gradonačelnik Grada Tuzle, donosi

RJEŠENJE

o imenovanju Komisije za pregled implementiranih mjera poboljšanja energijske efikasnosti i smanjenja aerozagađenja na području grada Tuzle

I

Za pregled mjera poboljšanja energijske efikasnosti i smanjenja aerozagađenja implementiranih po javnim pozivima za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle, imenuju se Komisija u sastavu kako slijedi:

1. Mediha Skenderović, predsjednik
2. Ljiljana Martinović, član
3. Aida Kujadinović, član
4. Mehmed Zaimović, član
5. Emir Uščuplić, član

II

Zadatak Komisije za pregled implementiranih mjera poboljšanja energijske efikasnosti i smanjenja aerozagađenja na području grada Tuzle (u daljem tekstu: Komisija) je pregled i ocjena blagovremenosti i osnovanosti pismenog zahtjeva za pregled implementiranih mjera, zajedno sa pratećom dokumentacijom, kao i pregled objekata u cilju utvrđivanja izvedenog stanja u pogledu implementacije mjera u skladu sa energijskim pregledom/auditom i prethodnom saglasnosti od strane ovlaštenog lica, u skladu sa Zakonom o energijskoj efikasnosti u Federaciji Bosne i Hercegovine ("Službene novine Federacije BiH", broj 22/17) i Uredbom o provođenju energijskih audita i izdavanju energijskog certifikata ("Službene novine Federacije BiH", broj 87/18), i u skladu sa dostavljenim zapisnikom o izvršenom tehničkom pregledu od strane operatora distributivnog sistema (ODS) i dokazom o provedenom energijskom pregledu/auditu za objekat koji je predmet prijave na javni poziv, na način i u roku propisanom Odlukom o uslovima, kriterijima i postupku sufinansiranja mjera poboljšanja energijske efikasnosti i smanjenja aerozagađenja na području grada Tuzle („Službeni glasnik Grada Tuzla“, broj: 6/26). Za objekte u kojima se vrši nabavka i ugradnja KTP, Komisija vrši pregled implementiranih mjera uz obavezu pribavljanja pismene potvrde JKP "Centralno grijanje" d.d. Tuzla da je navedena mjera implementirana na način i pod uslovima iz načelne saglasnosti, projektne dokumentacije za KTP i saglasnosti JKP "Centralno grijanje" d.d. Tuzla na projektnu dokumentaciju za KTP. Pored naprijed navedenih zadataka, u slučaju kada je predmet sufinansiranja nabavka i ugradnja toplotne pumpe ili KTP-a, Komisija je dužna utvrditi da se u objektu ne koristi uređaj za zagrijavanje objekta sa pogonom na

fosilna goriva. Komisija je dužna da po izvršenim zadacima sačini stručni nalaz i isti dostavi Službi za prostorno uređenje i zaštitu okoline, radi sačinjavanja prijedloga Odluke o dodjeli sredstava za sufinansiranje mjera poboljšanja energijske efikasnosti i smanjenja aerozagađenja.

III

Poslove i zadatke iz tačke II ovog Rješenja Komisija će obavljati izvan redovnog radnog vremena.

IV

Za koordinaciju rada i svih aktivnosti Komisije odgovoran je predsjednik Komisije.

V

Imenovanje Komisije vrši se na mandatni period od 2 (dvije) godine.

VI

Za učešće u radu predsjednik i članovi Komisije imaju pravo na novčanu naknadu u visini od 150,00 KM u neto iznosu u skladu sa Odlukom o naknadama uposlenicima gradskih organa uprave Tuzla koje nemaju karakter plaće („Službeni glasnik Grada Tuzla“, broj 13/21, 5/24), pod uslovom da je održana najmanje jedna sjednica mjesečno.

VII

Danom primjene ovog Rješenja prestaje da važi Rješenje o o imenovanju Komisije za pregled implementiranih mjera poboljšanja energijske efikasnosti i smanjenja aerozagađenja na području grada Tuzle, broj: 02/04-A-3929-2025 od 11.03.2025. godine, kao i Rješenje o imenovanju Komisije za pregled implementiranih mjera poboljšanja energijske efikasnosti i smanjenja aerozagađenja na području grada Tuzle, broj: 02/04-A-9968-2026 od 02.07.2026. godine.

VIII

Ovo rješenje stupa na snagu danom donošenja i bit će objavljeno u „Službenom glasniku Grada Tuzle“.

GRAD TUZLA GRADONAČELNIK
Gradonačelnik
Broj: 02/04-A-11088-2026 Zijad Lugavić
23. jula 2026. godine

— — — — —

4

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine Federacije BiH” broj 35/05), člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine” broj 49/06 i 51/09), člana 41. Statuta Grada Tuzle („Službeni glasnik Grada Tuzle”, broj 6/21 i 4/25) i člana 10. Odluke o uslovima, kriterijima i postupku sufinansiranju mjera poboljšanja energijske efikasnosti i smanjenja aerozagađenja na području grada Tuzle („Službeni glasnik Grada Tuzle”, broj 6/26) Gradonačelnik Grada Tuzle, donosi

RJEŠENJE

o imenovanju Komisije za provođenje postupka po javnim pozivima za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle

I

Za provođenje postupaka po javnim pozivima za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle, imenuje se Komisija u sastavu kako slijedi:

1. Lejla Dračić, predsjednik
2. Majda Nurkanović, član
3. Miroslavka Dervišević, član
4. Amela Hasić Imamović, član
5. Džemila Agić, član

II

Zadatak Komisije za provođenje postupaka po javnim pozivima za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle (u daljem tekstu: Komisija) je provođenje postupaka po javnim pozivima za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle u skladu sa Odlukom o uslovima, kriterijima i postupku dodjele sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle („Službeni glasnik Grada Tuzle”, broj 6/26), (u daljem tekstu: Odluka), što podrazumijeva: ocjenjivanje blagovremenosti i potpunosti pristiglih prijava po javnom pozivu za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzla; po utvrđivanju ispunjavanja općih uslova za dodjelu sredstava, Komisija sačinjava i objavljuje konačnu rang listu podnosilaca prijava koji ispunjavaju uslove za dodjelu sredstava za nabavku i ugradnju dizalica toplote -toplotne pumpe tipa zrak – voda, voda – voda i zemlja – voda, sa pratećom opremom i radovima, kao okolišno prihvatljivog načina zagrijavanja objekata, nabavku i ugradnju kompaktnih toplinskih podstanica- KTP, “utopljavanje” objekata radi smanjenja toplinskih gubitaka, odnosno nabavku i ugradnju materijala za izolaciju vanjskih zidova i tavanice objekata, kao i nabavku i ugradnju vanjske stolarije- “utopljavanje objekata” i nabavku i ugradnju solarnih fotonaponskih sistema za napajanje toplotne pumpe zatim, po utvrđivanju ispunjavanja općih uslova za dodjelu sredstava, uzimajući u obzir izjašnjenja podnosilaca prijava na prijavnom obrascu po pitanju mjere za koju apliciraju, sačinjavanje konačne rang liste podnosilaca prijava koji ispunjavaju uslove za dodjelu sredstava za sufinansiranje nabavke i ugradnje KTP, preliminarnu listu podnosilaca prijava po javnom pozivu za dodjelu sredstava za sufinansiranje mjere nabavke i ugradnje toplotne pumpe, preliminarnu listu podnosilaca

prijava po javnom pozivu za dodjelu sredstava za sufinansiranje mjere „utopljavanje“ objekata i preliminarnu listu podnosilaca prijava po javnom pozivu za dodjelu sredstava za sufinansiranje mjere nabavke i ugradnje solarnih fotonaponskih sistema za napajanje toplotne pumpe; po dostavljanju dokaza o izvršenom energijskom pregledu objekta -energijskom pregledu/auditu, odnosno dostavljanju elektroenergetske saglasnosti, u propisanom roku sačinjavaju konačnu rang listu podnosilaca prijava koji ispunjavaju uslove za dodjelu sredstava za sufinansiranje mjere „utopljavanje“ objekata, konačnu rang listu podnosilaca prijava koji ispunjavaju uslove za dodjelu sredstava za sufinansiranje mjere nabavke i ugradnje toplotne pumpe i konačnu rang listu podnosilaca prijava koji ispunjavaju uslove za dodjelu sredstava za sufinansiranje mjere nabavke i ugradnje solarnih fotonaponskih sistema za napajanje toplotne pumpe; sačinjavanje pismenih izjašnjenja po prigovorima podnosilaca prijava na liste; objavljivanje preliminarnih i konačnih rang listi na oglasnoj tabli i web stranici Grada Tuzle, kao i oglasnim tablama mjesnih zajednica, odlučivanje o osnovanosti zahtjeva korisnika sredstava za produženje roka za implementaciju mjere poboljšanja energijske efikasnosti i smanjenja aerozagađenja, te sačinjavanje nacrtu ugovora o regulisanju međusobnih odnosa u vezi sa dodjelom sredstava za sufinansiranje mjera poboljšanja energijske efikasnosti i smanjenja aerozagađenja, kao i nacrtu odluka o dodjeli sredstava kako bi Služba za prostorno uređenje i zaštitu okoline blagovremeno zaključila ugovore sa korisnicima sredstava, odnosno kako bi Gradonačelnik blagovremeno donio odluke o dodjeli sredstava.

III

Poslove i zadatke iz tačke II ovog Rješenja Komisija će obavljati izvan redovnog radnog vremena.

IV

Za koordinaciju rada i svih aktivnosti Komisije odgovoran je predsjednik Komisije.

V

Imenovanje Komisije vrši se na mandatni period od 2 (dvije) godine.

VI

Za učešće u radu predsjednik i članovi Komisije imaju pravo na novčanu naknadu u visini od 150,00 KM u neto iznosu u skladu sa Odlukom o naknadama uposlenicima gradskih organa uprave Tuzla koje nemaju karakter plaće („Službeni glasnik Grada Tuzle”, broj 13/21, 5/24), pod uslovom da je održana najmanje jedna sjednica mjesečno.

VII

Danom primjene ovog Rješenja prestaje da važi Rješenje o imenovanju Komisije za provođenje postupka po javnim pozivima za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle, broj: 02/04-A-5432-2025 od 04.04.2025. godine, kao i Rješenje o imenovanju Komisije za provođenje postupka po javnim pozivima za dodjelu sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle broj: 02/04-A-6867-2026 od 11.05.2026. godine.

VIII

Ovo rješenje stupa na snagu danom donošenja i biće objavljeno u „Službenom glasniku Grada Tuzle“.

GRAD TUZLA

Gradonačelnik

Broj: 04/04-A-11087-2026
23. jula 2026. godine

GRADONAČELNIK

Zijad Lugavić

— — — — —

5

Na osnovu člana 7. stav 2. tačka 3) i članova 8., 9. i 11. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04, 38/06, 52/09, 56/09 i 36/14), člana 142. Statuta Grada Tuzle („Službeni glasnik Grada Tuzle“, broj 6/21 i 4/25), na prijedlog Službe civilne zaštite, Gradonačelnik Grada Tuzle, donosi

RJEŠENJE

o imenovanju Komisije za procjenu šteta od prirodnih i drugih nesreća na području grada Tuzle

Član 1.

Za vršenje poslova utvrđivanja vrste i visine šteta koje nastanu na materijalnim dobrima od djelovanja prirodnih i drugih nesreća, imenuje se Komisija za procjenu šteta od prirodnih i drugih nesreća na području grada Tuzle (u daljem tekstu: Komisija za procjenu šteta), na period od četiri godine u sljedećem sastavu:

1. Emina Halilović, ma. ing. građevinarstva, predsjednik
2. Senad Ahmetagić, dipl. ing. mašinstva, član
3. Jasmin Subašić, dipl. ing. geologije, član
4. Jasmin Habul, dipl. ing. mašinstva, član
5. Ajša Džaferagić, ba. poslovne ekonomije, član
6. Mira Matuzović Brkić, dipl. pravnik, sekretar

Član 2.

- (1) Zadaci Komisije za procjenu šteta i način postupanja u vezi sa procjenom šteta od prirodnih i drugih nesreća propisani su Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04, 38/06, 52/09, 56/09 i 36/14).
- (2) Komisija za procjenu šteta će se u svom radu u cjelosti pridržavati odredaba Ured-

be o jedinstvenoj metodologiji za procjenu šteta od prirodnih i drugih nesreća iz stava (1) ovog člana kao i obrazaca koji su sastavni dijelovi Uredbe.

Član 3.

Služba civilne zaštite Grada Tuzla obezbjeđuje potrebne uslove za nesmetan rad Komisije za procjenu šteta (prijevozna sredstva, opremu za budžete, karte sa utvrđenim statističkim krugovima, mjerne alate, fotoaparat, kameru i sl.), propisane obrasce predviđene Uredbom za utvrđivanje procjene štete, prostor (kancelarija) gdje će komisija obavljati poslove iz svoje nadležnosti i vršiti stručne, administrativne i druge poslove potrebne za rad komisije, organizuje radne sastanke komisije radi obučavanja i osposobljavanja članova komisije za utvrđivanje procjene štete i popunjavanje obrazaca predviđenih za utvrđivanje štete i vrši sve druge poslove potrebne za uspješan rad Komisije za procjenu šteta.

Član 4.

Članovima Komisije za procjenu šteta za rad u komisiji pripada mjesečna naknada u visini od 150 KM neto sredstava, a isplaćivat će iz budžeta Službe civilne zaštite Grada Tuzle, nakon dostavljanja mjesečnog izvještaja o radu sa pozicije ostale ugovorene usluge.

Član 5.

Ovo Rješenje stupa na snagu danom donošenja a primjenjuje se od 1.8.2026. godine.

Član 6.

Rješenje će se objaviti u „Službenom glasniku Grada Tuzle“.

GRAD TUZLA**GRADONAČELNIK****Gradonačelnik****Broj: 02/40-A-10339-2026****Zijad Lugavić****9. jula 2026. godine**

— — — — —

6

Na osnovu člana 62. Zakona o organizaciji organa uprave u Federaciji BiH („Službene novine Federacije BiH“, broj 35/05), člana 15. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09) i člana 41. Statuta Grada Tuzle („Službeni glasnik Grada Tuzla“, broj 6/21 i 4/25) postupajući po zahtjevu Federalne uprave za geodetske i imovinsko-pravne poslove, broj 09-45-05-139/25-2 od 22.7.2026. godine, Gradonačelnik, donosi

RJEŠENJE

o imenovanju Koordinatora aktivnosti Grada Tuzle s ciljem implementacije Projekta unapređenja geoprostrane infrastrukture i procjene vrijednosti nekretnina - GIVE

I

Imenuje se **Jasmina Hasanefendić Šimleša**, pomoćnik gradonačelnika za Službu za geodetske i imovinsko-pravne poslove, evidenciju i upravljanje imovinom, za Koordinatora aktivnosti Grada Tuzle s ciljem implementacije Projekta unapređenja geoprostrane infrastrukture i procjene vrijednosti nekretnina – GIVE (u daljem tekstu: Koordinator) u dijelu koji se odnosi na uključivanje K.O. Dobrnja u aktivnosti sistemskog usaglašavanja podataka katastra i zemljišne knjige.

II

Zadatak imenovanog Koordinatora je da koordinira aktivnosti ispred Grada Tuzle, kontaktira i sarađuje sa Federalnom upravom za geodetske i imovinsko-pravne poslove i Izvođačem radova i da poduzima sve potrebne mjere s ciljem blagovremenog uključivanja K.O. Dobrnja u aktivnosti sistemskog usaglašavanja podataka katastra i zemljišne knjige.

III

Zadatak Službe za geodetske i imovinsko-pravne poslove, evidenciju i upravljanje imovinom je da:

- izvrši pregled, sređivanje i kompletiranje katastarske dokumentacije za katastarsku općinu Dobrnja radi njene primopredaje i skeniranja analognih katastarskih planova;
- provede sve pristigle promjene i riješi zaostale predmete u Bazi podataka katastra nekretnina (BKPN);
- otkloni uočene nedostatke i greške u BKPN-u u skladu sa važećim propisima;
- pripremi i blagovremeno dostavi BKPN i ostalu dokumentaciju propisanu projektnim zadatkom odgovornoj osobi ispred Federalne uprave za geodetske i imovinsko-pravne poslove i Izvođaču radova.

IV

Poslove i zadatke iz tačke II ovog rješenja, imenovani Koordinator će obavljati u toku redovnog radnog vremena i bez naknade.

V

Rješenje stupa na snagu danom donošenja i isto će biti objavljeno u „Službenom glasniku Grada Tuzle“.

GRAD TUZLA**GRADONAČELNIK****Gradonačelnik****Broj: 02/04-A-11581-2026****Zijad Lugavić****30. jula 2026. godine**

— — — — —

II AKTI JAVNIH PREDUZEĆA ČIJI JE OSNIVAČ GRAD TUZLA

1

Na osnovu člana 234. u vezi sa članom 303. i člana 335. Zakona o privrednim Društvima („Službene novine Federacije Bosne i Hercegovine“, broj 81/15, 75/21), nakon provedenog postupka i Javnog oglasa objavljenog u Dnevnom listu „Oslobođenje“ dana 12.05.2026. godine i u „Službenim novinama Federacije BiH broj 34/26“ dana 08.05.2026. godine, te na osnovu prijedloga Rang liste najuspješnijih kandidata za imenovanje članova Odbora za reviziju broj: 01-274-19/26 od 30.06.2026. godine date od strane Nadzornog odbora JP RPC Tuzla-Inkubator „Lipnica“ d.o.o. Tuzla, Skupština Društva JP RPC Tuzla-Inkubator „LIPNICA“ d.o.o. na svojoj 47. sjednici održanoj dana 20.07.2026. godine, donosi

ODLUKU

o imenovanju članova Odbora za reviziju JP RPC Tuzla-Inkubator „Lipnica“ d.o.o.

Član 1.

U Odbor za reviziju JP RPC Tuzla-Inkubator „Lipnica“ d.o.o. imenuju se članovi:

1. Sanela Sabitović,
2. Arijana Salkić i
3. Mirnes Halilčević.

Član 2.

Na prvoj konstituirajućoj sjednici Odbor za reviziju jednog od svojih članova bira za predsjednika Odbora za reviziju.

Član 3.

Mandat člana Odbora za reviziju traje 4 (četiri) godine.

Član 4.

Ovlašćuje se direktor Društva da sa imenovanim članovima Odbora za Reviziju zaključi ugovor kojim će se urediti međusobna prava i obaveze u skladu sa Zakonom, drugim podzakonskim aktima i Statutom Društva.

Član 5.

Ova Odluka stupa na snagu danom donošenja.

Član 6.

Ova Odluka biće objavljena u „Službenom glasniku Grada Tuzle“.

SKUPŠTINA

**JP RPC Tuzla-Inkubator
„Lipnica“ d.o.o.**

**Broj: 01- 274-20/26
20. jula 2026. godine**

PREDSJEDNIK

SKUPŠTINE

Maid Fazlović

2

Na osnovu člana 234. tačka m) i člana 303. stav (1) Zakona o privrednim društvima („Službene novine Federacije BiH“, broj 81/15 i 75/21), člana 72. Statuta JP RTV 7 d.o.o. Tuzla, broj: S-462/23 od 13.09.2023. godine, na prijedlog Nadzornog odbora Društva, Skupština JP RTV 7 d.o.o. Tuzla na 35. redovnoj sjednici održanoj dana 22.07.2026. godine, donosi

ODLUKU

**o konačnom izboru i imenovanju
predsjednika i članova Odbora za reviziju
u JP RTV 7 d.o.o. Tuzla**

Član 1.

U Odbor za reviziju u JP RTV 7 d.o.o. Tuzla, iz reda ovlaštenih revizora, imenuje se:

1. Hasija Bajrić, član Odbora za reviziju iz reda ovlaštenih revizora.

Član 2.

U Odbor za reviziju u JP RTV 7 d.o.o. Tuzla, imenuju se:

1. Mersa Bećirović, član Odbora za reviziju
2. Saša Brčina, član Odbora za reviziju

Član 3.

Skupština za predsjednika Odbora za reviziju imenuje Hasiju Bajrić, a za članove Odbora za reviziju imenuje: Mersu Bećirović i Sašu Brčinu.

Član 4.

Odbor za reviziju se imenuje na mandatni period od 4 (četiri) godine.

Sa predsjednikom i članovima Odbora za reviziju iz člana 3. ove Odluke, Direktor JP RTV 7 d.o.o. Tuzla, zaključit će Ugovor o članstvu i radu u Odboru za reviziju, na period od 4 (četiri) godine.

Član 5.

Odluka stupa na snagu danom donošenja, a objavit će se u „Službenom glasniku Grada Tuzle“.

SKUPŠTINA **PREDSJEDAVAJUĆI**
JP RTV 7 d.o.o. Tuzla **SKUPŠTINE**
Broj: S-01-432/26 **Nevres Kamberović**
22. jula 2026. godine

— — — — —

S A D R Ź A J
„Službenog glasnika Grada Tuzle“, broj 10/26

**I. AKTI GRADONAČELNIKA GRADA
TUZLE**

1. Odluka o usmjeravanju neplaniranih vlastitih sredstava u Budžet Grada Tuzle za 2026. godinu 369
2. Odluka o prestrukturiranju rashoda Budžeta Grada Tuzle za period 01.01.-31.12.2026. godine 370
3. Rješenje o imenovanju Komisije za pregled implementiranih mjera poboljšanja energetske efikasnosti i smanjenja aerozagađenja na području grada Tuzle 370
4. Rješenje o imenovanju Komisije za provođenje postupka po javnim pozivima za dodjelu sredstava za sufinansiranje mjera poboljšanja energetske efikasnosti i smanjenja aerozagađenja na području grada Tuzle 372
5. Rješenje o imenovanju Komisije za procjenu šteta od prirodnih i drugih nesreća na području grada Tuzle 374
6. Rješenje o imenovanju Koordinatora aktivnosti Grada Tuzle s ciljem implementacije Projekta unapređenja geoprostrane infrastrukture i procjene vrijednosti nekretnina - GIVE 375

**II. AKTI JAVNIH PREDUZEĆA ČIJI JE
OSNIVAČ GRAD TUZLA**

1. Odluka o imenovanju članova Odbora za reviziju JP RPC Tuzla-Inkubator „Lipnica“ d.o.o. 376
2. Odluka o konačnom izboru i imenovanju predsjednika i članova Odbora za reviziju u JP RTV 7 d.o.o. Tuzla 377